

1 Timote

Tshapita 1

1 Paulo, ekim'enda Yeso Kilisito sh'ekekemyaki Nkumundjeyi, Bosukak'ondiso, la Yeso Kilisito ilindedy'endiso, 2 ele Timote, bon'onda soosolo nda yimedyā: iyota inda ipepa d'ishei o la wee bayali ele we m'ele Nkumundjeyi, Ap'endiso, la m'ele Kilisito Yeso, Nkumu endiso.

3 Akimi wasaka ikenda na Makedoniya em'okoondaki mbo, Tshikala pele nd'Efeso inda we yepol'anto amodi mbo, Lotekyaki anto yekyelo enkina; 4 lotetelaki na mpima ininyo nd'etel'ena mpampa nkina na ndjotshwelo ipa l'esuka; iko yikyak'anto ikokodi, ipokembyi ekambelo ena Nkumundjeyi eyadi nda yimedyā. 5 Ayi esuk'end'ekekemyelo eyadi lolango m'otem'onda pitoo, la nkum'otema end'olotshi, la yimedyā epa l'atshuya. 6 Anto amodi baolungusana nd'iyedi ine, baoletela nd'etepelo enda tshwetetshi; 7 iyo yasaka iyala yekyi ena ingembe, ayi bapopokwi djoi iteped'iyo nkina wekyelo ondeky'iyo ankina l'okalangano. 8 Ko isho yeyaka mbo, Ingembe iyadi olotshi nkin'onto akamba d'iko nd'iyedi ind'iko. 9 Isho yeyaka djoi ine, mbo, Ingembe itosekyamel'ont'ondokel'olotshi, ay'iko isekyamelaki as'opedyā l'as'onkala, l'apapodi ana Nkumundjeyi l'akedi an'embe, l'anto bapa la pitoo l'asi mindu, l'akpudi and'aishe l'an'anyango, l'andjaki an'anto, 10 l'aiko bakitsha mposa, l'ele bakelana nsonyi, la yongodi en'anto l'ash'opoto, l'ash'atshuya nkin'akedi and'ekeledi enkina betshitshingana la yekyelo end'olotshi, 11 nd'iyedi ind'osak'ond'olotshi onda itombya ina Ndjambi ena imemya; bosaka okiandi alesaka nd'akat'anami. 12 Emi nshuteya Kilisito Yeso, Nkumu endiso elunga mbo, And'aonkembya, aondeledya shend'osh'itshidi, aonkaya mpipo nd'olim'one. 13 Nd'oso em'oki otodi l'opukyi on'anto, la dwel'ond'iyangano l'ayumbya; ko ndolaya ishei l'olok'on'emi okelaki shiko shen'ont'onelengana la weyi la yimedyā. 14 Ko iyota inda Nkumu endiso ilekolak'ipula pula la yimedyā, o la olang'oyadi ele Kilisito Yeso. 15 Botepel'one oyadi soosolo menge l'ok'ombokoman'onto yimedyā l'otem'opoko mbo, Kilisito Yeso oyakaki na motshi d'iyosuk'anto an'embe; nd'atei and'iyo, emi ndolekol'ombe. 16 Dika diko ikiandi andokaka ishei, inda Yeso Kilisito itshumya etshina enandi euma el'emi shenda eshile el'aiko baongasa yekam'el'andi ind'iyo yaya lomo londa diiyo. 17 Sheko, imemya la itombya ipotenyi iyali ele Nkumu enda ekeki la ekeki; boik'opowu l'openami; Ndjambi epoko entulu. Apa o sesoko!

18 Bon'onami Timote, nshokekemya djoi ine nd'iyedi iki asangi asangaka nd'oso nd'itshina indawe, inda we yeya yun'oshela ond'olotshi; 19 pongaka

ikatemela la yimedya la nkum'otem'end'olotshi; bamodi baoton'aoi ane baopitana nda yimedya shenda wato ombonyongomela nd'ashi. 20 Pumenaya l'Alesandele bayadi amodi andiyo; emi nsholalesa nd'akat'anda Satana ind'iyo yeka m'elu endiyo mbo, Batotolaki Nkumundjeyi.

Tshapita 2

1 Dika diko, nd'os'ond'aoi ankina, nshokekemya mbo, Oondeli Ndjambi anto baumela, otshelak'iyo, tepelelak'iyo, uteyelak'iyo Ndjambi elunga; 2 o l'ankumu o l'apamedi bauma inda isho yulama nda lomo londa polee la wee, la iyel'aoi ana Nkumundjeyi l'aoi and'ekila sh'ekomana l'andi; 3 shen'eyadi olotshi l'ashimba nd'os'ona Ndjambi, Bosukako ondiso. 4 And'alang'anto ankumela yika la ipokwa djoi inda soosolo. 5 Nd'itshina ina Ndjambi eyadi epoko la Botepeledi nd'atei ana Ndjambi l'anto oyadi opoko, Bont'oiko Yeso Kilisito, 6 ondoyalesaki oshikolel'on'ankumela, ind'osak'ond'oko itshangwa nd'ekeki ekomana l'oko. 7 Em'osonamaki bosangi ond'oko o l'ekima (emi nshosang'o soosolo, mposang'opoto), o la wekyi on'enanga la yimedya o la soosolo.

8 Shene emi nanga mbo, Bele boondaki nda itetenyi inkumela nda yuledy'akat'anda pitoo, apa la nkele, apa d'ikokodi. 9 Nko pyopyo, emi nang'ayemi, Baimato baloti itoo iyokomana la nsonyi o la mpima; batalaki diyo indiyo, batolotaki mpawumi nkin'eyeye, nkina itoo inda botshiy'ond'oolo, 10 ayi, bayali l'ekeledi end'olotshi sh'ekomana l'aimato bayasanga mbo, Isho tomemya Nkumundjeyi. 11 Bomoto ekak'aoi la wee o la iyakitedya bya. 12 Emi mpimedye omoto ilaka bele nkina yaapemela, ayi ulamaki nda wee; 13 l'olok'ond'Adamu otongamaki nd'oso ko Eva m'okongo. 14 Adamu atotshuyamaki; sayi, aki omoto atshuyamaka, and'okelak'ombe. 15 Sheko, baimato baokosukama nda iyot'ana nkina baokotshidingana nda yimedya la olango, l'aoi and'ekila, la mpima.

Tshapita 3

1 Djoi ine iyadi soosolo mele mbo; Nkin'onto asa mpipo end'otomanyi, and'asa bolim'ond'olotshi. 2 Botomanyi atoyali la mbalaka; ayali bolomi onda wadi opoko l'ont'onda wee; ayali la mpima o la wanya, 3 ayadi yambak'apaya, la mpima enda ilak'anto djoi; apa omedi ond'aana, apokpulani l'anto, os'etshukumadi, lak'osh'ikokodi, bont'opas'akuta; 4 bont'ondoponga lodu onandi ashimba, ayadi l'ana banambody'aoi anandi la imemya bya. 5 (Nkin'onto apokus'iponga lodu onandi menge, sheleko akus'andi ipal'aoi and'Ekeleza ena Nkumundjeyi?) 6 And'atoyalaki kil'ayaki nda yimedya, apoyopyapeta, apoyokwa nda yung'enda diabolo. 7 Ko diyadi l'andi diyala l'osak'ond'olotshi nd'atei and'aiko bayadi n'andja,

and'apoyosediyama, apoyotala nda ilung'inda diabolo.

8 Pyopyo, antanyi bayali la imemya, batoyalaki ashi nemo ipe, batoyali amedi an'aana, batolulak'akuta; 9 bapongi yumba wishishi onda yimedyala nkum'otem'enda pitoo. 10 Kel'iy'amekami nd'oso nkina bakambi olim'on'antanyi bapa la mbalaka. 11 O l'aimato bayali la imemya, batotolanaki, bayakati, bayali d'itshidi nd'aoi ankumela. 12 Bantanyi bayali la wadi opok'opok'ontulu, bakomany'an'an'andiyo olotshi okiyo munge. 13 Djoind'ind'aiko bakamb'olim'on'ontanyi olotshi baolay'osak'ond'olotshi o la ntepo en'enene nda yimedyayadi nda Kilisito Yeso.

14 Nshokokotel'aoi ane ko nshlindedya iyaka ele we n'empudi end'itshila. 15 Ayi, nkina ndokoseketana, inda we yeya shen'ekomana onto ikela nda lodu ona Nkumundjeyi, ok'oyadi Ekelezia ena Ndjambi enda lomo, nungi la itshina inda djoind'inda soosolo. 16 Ko ikodi ipako, ishimo ina Nkumundjeyi iyadi onene munge mbo; Ndjambi aolenya nda djongi, Aolongyama na Nyuma, Aolenam'el'andjelo, Aosambedyama n'enanga, Aolimediyama na motshi, Aolambama nda itombya.

Tshapita 4

1 Ayi Nyuma aotepela nd'aoi anda pululu mbo, Ayakalomi betsho end'esuka, anto amodi baokudwa djoind'inda yimedyala, baokokody'aoi and'edimo end'atshuya la yekyelo end'apopo, 2 bayadi itepelak'aoi and'opoto nda odimbo; bayadi la nkum'etem'indiyo iyotshumbama nga l'epeko ma tsha; 3 baik'aokopekedy'anto isongana, baokokidiyel'anto toma toki Nkumundjeyi atongaka ind'ashi yimedyala baolambodya djoind'inda soosolo, yamba l'elunga. 4 L'olok'onda djomba diuma iki Nkumundjeyi atongaka iyadi olotshi; anto batopekedy'iko, ayi bamb'iko la yok'elunga; 5 djoind'ind'iko imbokidiyama la olaka ona Nkumundjeyi o la itutam'el'andi nda yotsha. 6 Nkina w'okopol'ain'andiso baai ane, w'okoyal'onkambi ond'olotshi onda Yeso Kilisito, ombokembyama l'aoi anda yimedyala wekyel'ond'olotshi okiwe wotshwak'oduwe. 7 Ayi, timedyaki tosasako tona mpampa tona nkusu y'aimato; ko oyapukyi nd'aoi ana Nkumundjeyi; 8 l'olok'onda iyapukya inda djongi ile la wapw'ond'etsho emodi, ayi imamana la Nkumundjeyi la wapwa l'aumba bauma; ik'ile d'ilako nda lomo ond'etambene o la nd'ok'okoyaka m'okongo. 9 Djoind'ine iyadi soosolo la ik'ikoka ont'oumela yimedyala l'otem'opoko. 10 L'olok'one isho ikambak'olimo, la toshingama, djoind'ind'isho tolindedy'ele Ndjambi enda lomo; and'ayadi Bosukak'on'anto bauma, ko and'aolekola isukak'ashi yimedyala. 11 Pongaka isambedy'anto la yaeky'aoi ane. 12 Timedyak'onto ikosotsha djoind'inda w'ole nk'olangal'onda dwele, ayi oyal'eshile el'aiko baolimediyala nd'otepelo, nd'ekeledi, nda olango, nda yimedyala nda pitoo.

13 Elengi nd'ayakalom'emi, tshidinganaka nda yalola, nda yoonda la nda yetsha. 14 Topelaki okakay'okiwe wambaka, akiy'akokaaka l'alako o l'apyelo end'akat'ana ingambi. 5 Tshidinganaka l'aoi ane; oyalesi nkoko l'otem'opoko inda osek'ondawe yeny'el'anto baumela. 16 Epwaka we munge o la nda yekyelo indawe; tshidinganaka nkoko; djoji inda akelalomiwe shiko, w'okoyasuka o la w'okosuka'aiko bakokodya.

Tshapita 5

1 Tolemwaki engambi l'aoi and'oolo, ayi oondak'andi oshend'isho; l'elangal'end'ele shen'an'ana nyango; 2 ingambi ind'aimato shen'anyango la topukpu tond'aimato shen'ankana, la pitoo bya. 3 Memyak'aiko bayadi aadi aki edwo soosolo. 4 Ko nkina wadi oki odwo ayadi l'ana nkin'ankana, bayeki iyela iyota ina Ndjambi nd'oso okiyo la yutey'aotshi andiyo olotshi: sheko eyadi ashimba nd'aisho ana Nkumundjeyi. 5 K'omoto ondoyadi wadi oki odw'onda soosolo, ondulama nk'and'omele, ayadi l'ilindedya nk'ele Nkumundjeyi, ayadi itshidinganaka nda yoonda o la nda yotsha l'otsho d'iyani. 6 Ayi boiko ondoyalesa nda iyashashadya ayadi nd'ewedi nd'etamb'en'and'ayadi nda lomo. 7 Kekemyak'aoi ane ind'iyoyala apa la mbalaka. 8 Ko nkin'onto apotani baiko andotshwa l'andi, ilekol'aiko anda iyotshi inandi, and'aolangana yimedyo, aolekol'ankin'apimedye ombe. 9 Tokotaki wadi oki odwo n'onkand'ond'aina imolaka one ambokita mbula yoni otoa, nkin'and'aki wadi onda dwel'opoko; 10 nkin'andi l'osak'ond'aoi and'olotshi, nkin'aosol'akak'and'akilami, nkin'and'aotan'ash'elu, nkin'and'aotshidingana nd'ekeledi end'olotshi eumela. 11 Ko tonaka itana baadi aki edwo bale topukpu; iy'aokopyapetela Kilisito, k' aokasa yuta isongana, 12 baokokw'oloko djoji ind'iy'aoketela ma yimedyo endiyo eki oso. 13 Nk'aiko iy'aokeka diyala l'emponye la itshatshila ok'onto l'onto; ko apa l'emponye entulu, ko baokoyala l'osedyo la epasa, baokotepel'aoi bapokomani. 14 Nd'itshina ine emi nanga mbo, Baadi aki edwo bayadi topukpu, bayut'isongana, buti ana, bakomanya lodu, batokaak'ontonyi djow'inda yatongel'oloko. 15 Nkin'oshi yimedyo l'aadi aki edwo nda lotshwel'onandi, bolotshi onandi iyatan'andi munge, Ekelezia epoyoyala l'odit'ondiyo, ind'aiko bayadi aadi aki edwo anelengana soosolo batanamaki.

17 Dingambi iyadi ilokodyak'akilami bapind'ilemyama; baiko bakamba nda djoji o la nda wekyelo balekol'imemyama; 18 l'olok'onda okotel'osanga mbo, Tolembak'orumvu ona ngombe aminy'eko asangu; la djoji inkina mbo, Bonkambi okoka yamba ifutu inandi. 19 Timedyak'onto imama engambe boloko imolak'aenyi baleko ape nkin'asato. 20 Pongaka ipapangw'aiko bakel'ombe nd'os'on'anto ankumela, in'ankina ipola o d'iyoyala. 21

Nshokekemya nd'os'ona Nkumundjeyi o la Klisto Yeso o l'andjelo baosonama, ayemi, Kelak'aoi ane apa la dwato; toponolak'onto mpiko. 22 Tapedyak'onto akata pwapwa; tosonianaki l'ankina l'aoi an'embe; pongaka yulama l'aoi anda pitoo. 23 Tomelak'ashi antulu, ko melak'aana ishishi djoi inda ikundju indawe la nkangi endokawe betsho eusa. 24 Bemb'en'anto amodi embeyama nd'oso, l' ek'ekenda nd'os'ondiyo nd'etombolelo; l'emb'en'ankina yayelaka nd'apeka. 25 Nko shiko bekeledi emodi end'olotshi elenya nd'aisho an'anto nd'oso, ko ankin'apa shene bapeyi yisham'otshwako.

Tshapita 6

1 Bakwal'ayadi nda lokopo bamemyak'ankolo andiyo la imemya bya, inda dina ina Nkumundjeyi la wekyel'onandi batotolamaki. 2 L'aiko bayadi l'ankolo asi yimedy a batasotshaki l'olok'ond'iy'ayadi bain'andiyo, ayi balekolaki yakambel'olimo d'iyakitedya, djoi ind'iy'ayadi ash i yimedy a o l'alangami; baokoshashala l'ekambelo end'olotshi ekamb'iy o. Ekyaka la kekemyak'anto ba oi ane. 3 Nkin'onto aokey'anto wekyel'otshitshingana l'aoi ane, l'apimedy'aoi ana mpim'ana Nkumu endiso Yeso Kilisito, la wekyelo ondokomana la Nkumundjeyi, 4 and'aoyaumbya, apey'emba, ambetela nd'aoi anda yuwulana, d'ikokodi ind'etepelo; ba oi ane batong'onkita, ipukyana, ba oi and'itola la nkanedy'in'embe; 5 diswenel'iposhili in'anto anda tshwayiyi, bapeyi aoi anda soosolo, bakanedy a mbo, Imemya Ndjambi ile djoi inda yat'akuta. 6 Ayi imemya Nkumundjeyi l'otem'ona ntshitshi iyadi wapw'on'onene. 7 L'olok'ond'isho totoyaki na motshi l'emba; ayadi o soosolo mbo, Topongeya itody'emba d'isho. 8 Ko nkina toyadi la toma tonda ila la itoo inda ilota, tokokinda la djomba ine. 9 Ayi, baiko andasa iyonga baokokita nd'okutsha la ilinga l'alul'ankin'apa la mpima bayadi ikelelak'anto ombe, baokin'anto nd'epitanelo l'etshwelo. 10 L'olok'ona mpos'end'akuta eyadi bokindji ond'ekeledi euma end'aoi an'emebe: bamodi baolas'ako baoletela ma mbok'enda yimedy a, baoyatshundedy a l'ekesedi eusa. 11 Ayi we, dwel'ona Nkumundjeyi, omamawaki m'aoi aiko, ko asak'aoi an'onanwa, imemy'end Ndjambi, yimedy a, lolango, itshidi l'etshukumadi end'odimo. 12 Unak'oshel'ond'olotshi onda yimedy a l'okalangano. Kataka lomo londa diiyo okiwe wetamaka l'okiwe wimedy aka yishol'otepelel'ond'olotshi nd'os'ond'aenyi pala. 13 Ndokokekemya nd'os'ona Ndjambi ondokaya djomba diuma lomo, la Kilisito Yeso ondisholaki otepelel'ond'olotshi nd'os'onda Potiyo Pilata; 14 palako'kekemy'one la pitoo, apa la mbalaka, elengi ndi wenyel'ona Nkumu endiso Yeso Kilisito. 15 Nd'etamb'end'oko, ok'okenyama m'ele Wapemedi opok'ontulu ona imemya; Nkumu end'aiko

bauma bapemela, la Nkolo y'ankolo; 16 and'omenge ontulu apokatama l'ewedi, andi yulamaka nd'iyanyipokoki onto ntutama; and'atenam'el'onto nkul'opoko; op'ont'okusa yoena; imemya la mpamb'end'otshwako bayali el'andi. Apa o sesoko!

17 Epolak'ash'iyong'anda ekeki ene mbo, batopyapetaki, batolindedyaki nd'iyonga iyadi ipitanaka, ayi bekami ele Nkumundjeyi ondoyadi itokaaka djomba diuma bokakaya ind'isho ishashala d'iko, 18 l'ind'iyo ikelel'anto olotshi, ind'iyo diyala d'iyonga ind'ekeledi end'olotshi; bakapel'ankina djomba indiyo; 19 ko bayumbeli itshin'ind'olotshi djoi ind'etsho eyoyi, ind'iyo yamba lomo loyadi ama lomo.

20 We Timote, palaka djoi ikiyo akokekemyaka; epwaka aoi ana mpampa batepela tshwetetshi, l'aoi and'ikokodi m'el'anto badimba yey'aoi. 21 Anto amodi baolimedy'aoi ane nd'erumvu, baoletela ma mbok'enda yimedy. Iyota inda ipepa iyali ele we.